

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

**Illvstrivm Virorvm Epistolae, Hebraicae, Graecae et  
Latinae, Ad Ioannem Reuchlin Phorcensem virum nostra  
aetate doctissimum diuersis temporibus missae**

**Reuchlin, Johannes  
Hagenoae, 1519**

Maximilianvs caesar, romanorvm imperator. Ad Leonem decimum  
pontificem Maximum

[urn:nbn:de:bsz:31-270838](#)

# MAXIMILIANVS CAE

SAR, ROMANORVM IMPERA  
tor. Ad Leonem Decimum Pontificem Maximum.

B EATISSIME Pater, Domine excellentissime. Licet alias Beatitudo Vestra causam quandam inter honorabilem, fidelem, nobis dilectum Iohannem Reuchlin seu Capnionem Consiliarium nostrum, & quosdam Theologiae professores studii Coloniensis, super quaestione de libris Hebraicis comburendis uer tentem, venerabili episcopo Spirensi Principi Consanguineo nostro deuoto dilecto decidendam commiserit, & praefatus Capniō seruata iuris forma per eūdem Spirensim tanquam Beatitudinis Vestrae Commissarium absolutus fuerit. Nos quoq; pro pacifica tione istius negotii utriq; parti silentium imposuerimus. Nihilo minus intellexim⁹ praefatos aduersarios Consiliarii nostri Capniōis nouam actionem in Vrbe, & apud Beatitudinem Vestram, nulla tamen interposita (ut fieri solet) legitima appellatione, cōtra ipsum Capnionem instituere, & etiam præter uiam ordinaria & regiam iusticiæ, quam ex industria student uitare, uariis uis & modis ipsum oppugnare. Et solum ad hoc tendere, ut litem in lō gum trahant, & hūc uirum integrum, bonum, doctum, & à catholica doctrina nihil dissentientem. Et ea quæ a se scripta sunt, poti⁹ ad instantiam nostram, & in bonum finem, ac comunem Christia næ Reipub. utilitatem ac consultationem fuisse emissa. Existim⁹ mus omnino esse officii nostri, viri tam integri, innocentis, & de nobis optime meriti protectionem suscipere. Propter quod Beatitudinem Vestram quanto maiori possumus studio instanter ro gamus. Dignetur ad singularem nostri complacentiam, hāc rem quæ nobis plurimū est cordi, feruentius amplecti, & imposito per petuo silentio aduersariis illis captiosis Theologis, qui etiam non ueriti sunt in commissione eorum nuper apud Beatitudinem Vestram impetrata, nos, & alios Principes nostros Germaniæ raxare. Causam istam penitus extinguere & suffocare, ut innocentis

F

simus uir ille à tam sinistris uexationibus liberatus, tāto commō  
dius ultimos ætatis suæ annos peragere, & aliis studiis quæ ad co-  
munem Reipub. Christianæ utilitatem emittēre in animo habet  
liberius uacare posse. Quemadmodum Beatitudo Vefra latius  
ex Reuerendissimo domino Cardinali Sanctorum quatuor, &  
Oratore nostro intelliget. Faciet in hoc rem æquissimam se dig-  
nam, & Reipub. Christianæ utilem, nobis autem pergratissimam  
omni filiali studio & officio erga se recompensandam, quam De-  
us suæ sanctæ Ecclesiæ diu conseruare dignet incoluim & il-  
lam. Datum in Inſpruck xxiii. Octobris.

Finis additionum ad epistolas Clarorum Virorum ex Char-  
tophylacio secundo uiri, nostre ætatis, celeberrimi do-  
ctissimiq; Iohannis Reuchlin Phorcensis. Seque-  
tur tandem liber tertius, qui erit rerum Ro-  
manarum ex Chartophylacio tertio.